

UNIVERZITET U SARAJEVU - GRAĐEVINSKI FAKULTET

PRAVILNIK O ZAŠTITI OD POŽARA

# **PRAVILNIK O ZAŠTITI OD POŽARA**

Sarajevo, mart 2024. godine

## SADRŽAJ:

- I DIO – OPŠTE ODREDBE
- II DIO – ZAŠTITA OD POŽARA
- III DIO – MJERE ZAŠTITE OD POŽARA
- IV DIO – ORGANIZOVANJE I NAČIN UPRAVLJANJA I UNUTRAŠNJE KONTROLE
- V DIO – UPOZNAVANJE I OBUKA UPOSLENIKA
- VI DIO - OBAVEZE I ODGOVORNOSTI ORGANA UPRAVLJANJA, DEKANA, RADNIKA  
I STUDENATA
- VII DIO - DUŽNOSTI RADNIKA U SLUČAJU NASTANKA POŽARA
- VIII DIO - ODGOVORNOSTI RADNIKA ZBOG NEPRIDRŽAVANJA PROPISANIH MJERA  
ZAŠTITE OD POŽARA
- IX DIO - UREĐAJI I OPREMA ZA GAŠENJE POŽARA
- X DIO - PRELAZNE I ZAVRŠNE ODREDBE

Na osnovu člana 24. Zakona o zaštiti od požara i vatrogastvu ("Službene novine FBiH", br. 64/09), člana 69 Zakona o visokom obrazovanju („Službene novine Kantona Sarajevo“, broj: 36/22) i člana 111 Statuta Univerziteta u Sarajevu broj: 01-14-35-1/23 od 26. 07. 2023. godine, Vijeće Univerziteta u Sarajevu – Građevinski fakultet je na V redovnoj sjednici održanoj 21.03.2024. godine, donijelo

## PRAVILNIK

# ZAŠTITE OD POŽARA

### I OPŠTE ODREDBE

#### *Član 1.*

Zaštita od požara obuhvata skup mjera i radnji upravne, organizacijske, stručne, tehničke, obrazovne i propagandne prirode, koje se poduzimaju u cilju sprječavanja izbijanja i širenja požara, njegova otkrivanja, lokalizacije i gašenja požara, te zaštite i spašavanja ljudi, biljnog i životinjskog svijeta, materijalnih, kulturnih, povijesnih i drugih dobara i okoliša (u nastavku: materijalna dobra) ugroženih požarom.

#### *Član 2.*

Radi sprječavanja izbijanja požara, otklanjanja opasnosti od požara, spašavanja radnika i imovine ugroženih požarom, ovim Pravilnikom, u skladu sa zakonskim i tehničkim propisima, uređuje se način ostvarivanja prava i obaveza i utvrđuju druga pitanja na organizovanju, sprovođenju i unaprijeđenju zaštite od požara na Univerzitetu u Sarajevu – Građevinski fakultet (u nastavku: Fakultet).

#### *Član 3.*

Mjere za zaštitu od požara propisane ovim Pravilnikom dužni su da sprovede svi radnici Fakulteta, a takođe sva lica koja se u bilo kom vidu nalaze ili zadržavaju u objektima, pomoćnim prostorijama ili u krugu Fakulteta, kao i subjekti koji eventualno koriste dijelove poslovnog prostora ovog Fakulteta.

#### *Član 4.*

Pravilnikom zaštite od požara (u nastavku: Pravilnik), utvrđuje se:

- 1.) Organizovanje zaštite od požara u objektima, pomoćnim prostorijama ili u krugu Fakulteta;
- 2.) Mjere zaštite od požara kojima se otklanja ili smanjuje opasnost od nastajanja požara;
- 3.) Organizovanje i način obavljanja unutarnje kontrole sa aspekta provedbe mjera zaštite od požara te ovlaštenja i dužnosti radnika koji obavljaju tu kontrolu.
- 4.) Način upoznavanja radnika prilikom stupanja na rad ili rasporeda s jednog radnog mjesta na drugo o opasnostima od požara na tom radnom mjestu, kao i način obuke radnika za sprovođenje mjera zaštite od požara i rukovanja opremom i sredstvima za gašenje požara i vođenje evidencije o tome;
- 5.) Obaveze organa Fakulteta, radnika zaduženih za održavanje u ispravnom stanju opreme i sredstava za dojavu i gašenje požara, drugih radnika za provedbu mjera zaštite od požara, te odgovornosti zbog nepridržavanja propisanih ili naređenih mjera zaštite od požara;
- 6.) Dužnosti i ponašanja radnika i studenata u slučaju nastanka požara;
- 7.) Vrsta i količina opreme i sredstava za provedbu mjera zaštite od požara, kao i vrijeme povremenog ispitivanja njihove ispravnosti;
- 8.) Druga pitanja u vezi zaštite od požara.

#### *Član 5.*

Zaštita od požara organizuje se i provodi u svim objektima Fakulteta, građevinskim dijelovima i prostorima Fakulteta (u nastavku: imovina Fakulteta), u skladu sa odredbama Zakona o zaštiti od požara (u nastavku: Zakon), drugim propisima donesenim na osnovu Zakona, Planom zaštite od požara i odredbama ovog Pravilnika.

### *Član 6.*

Odredbе ovog Pravilnika primjenjuju se na sve radnike Fakulteta koji zasnuju radni odnos na neodređeno i određeno vrijeme, koji rade sa punim ili skraćenim radnim vremenom, koji su u dopunskom radu ili zasnovali radni odnos kao pripravnici, odnosno rade bez zasnivanja radnog odnosa (pripravnici, volonteri), studenti, kao i sve ostale osobe koje se poslom ili slučajno zateknu u prostorijama Fakulteta.

Radnik Fakulteta koji se ne pridržava odredbi ovog Pravilnika, čini težu povredu radne obaveze.

## **II ZAŠTITA OD POŽARA**

### *Član 7.*

Zaštita od nastanka požara u objektima, građevinskim dijelovima i prostorima Fakulteta, obuhvata organizovanje i druge mjere i radnje koje imaju zadaću:

- otklanjanje uzroka i smanjenja opasnosti od nastajanja požara, eksplozija i sl.,
- otkrivanje i gašenje požara, te poduzimanje potrebnih mjera radi sprječavanja širenja požara, odnosno bržeg gašenja požara,
- spašavanje ljudi, imovne Fakulteta i dr.
- pružanja pomoći i otklanjanje posljedica uzrokovanih požarom.

### *Član 8.*

Fakultet je posebno obavezan:

- održavati u ispravnom stanju uređaje, opremu i sredstva za dojavu, gašenje i sprječavanje širenja požara, te druge zaštitne uređaje i instalacije;
- držati opremu, uređaje i sredstva za gašenje požara na mjestima koja su vidljiva i najpogodnija za brzo djelovanje u slučaju nastanka požara;
- upoznati sve radnike i studenata sa opasnostima nastanka požara, provedenim mjerama zaštite od požara i načinom upotrebe uređaja, opreme i sredstava za zaštitu od požara;
- predvidjeti mjere kojima je svrha uklanjanje uzroka požara i kontrolirati njihovu provedbu;
- odrediti i obilježiti prolaze za brzu evakuaciju ljudi i imovine u slučaju nastanka požara.

## **III MJERE ZAŠTITE OD POŽARA**

### *Član 9.*

Radi otklanjanja uzroka zbog kojih može nastati požar, otklanjanja ili smanjenja opasnosti od nastajanja i širenja požara, omogućavanja gašenja požara, na Fakultetu se utvrđuju i ostvaruju mjere zaštite od požara, i to:

- zapaljiva osnovna i druga sredstva, tvari sklone samozapaljivanju, otrovne ili nagrizajuće tvari ili tvari koje se mogu zapaliti ili eksplodirati zbog djelovanja vode ili kisika, upaljive tekućine i sl., mogu se držati ili skladištiti u propisno izvedenom i zaštićenom prostoru, spremnicima, ormarima, policama;
- u svim objektima, građevinama, građevinskim dijelovima i prostorijama (u nastavku: građevine i prostori), zabranjuje se korištenje uređaja i aparata koji mogu prouzročiti nastajanje i širenje požara (grijalice i slično);
- postrojenja, uređaji, električne, plinske, ventilacijske, toplinske, gromobranske i druge instalacije u objektima, građevinama i prostorima Fakulteta moraju biti izvedene prema tehničkim normativima, normama i uputama proizvođača, o čemu Fakultet mora posjedovati dokumentaciju o ispravnom stanju;
- - prilikom projektiranja i izvođenja radova, adaptacije i rekonstrukcije, na postojećim građevinama, projektiranja i izgradnji novih građevina, ugradnje sredstava, uređaja i opreme, Fakultet je dužan postupiti u skladu odredbi zakona i propisima donesenim na osnovu zakona;
- - za izvedene stabilne instalacije, namjenjene za gašenje ili dojavu požara te druge zaštitne uređaje i instalacije koje služe za sprječavanje nastanka i širenja požara i eksplozije, Fakultet je dužan pribaviti ispravu od ovlaštene pravne osobe o ispravnom djelovanju tih instalacija i

- uređaja, i zapisnik o obavljenom pregledu ovlaštene pravne osobe i dati ih na uvid komisiji za tehnički pregled;
- odmah prestati sa upotrebom građevine, postrojenja, uređaja, instalacija i dr. ako se njihovim preuređenjem ne može otkloniti nedostatak koji može prouzročiti požar;
  - o svim uočenim kvarovima na opremi, uređajima i instalacijama treba odmah obavijestiti neposrednog rukovodioca;
  - zabranjeno je nestručnim licima vršiti bilo kakve intervencije i popravke mašina, uređaja i instalacija;
  - niko od radnika ne smije blokirati rad sigurnosnih uređaja i alarmnih uređaja;
  - ukloniti zapaljive tvari koje su ugrađene u konstruktivne elemente građevine ili kojima su obrađene horizontalne i vertikalne površine izlaza i izlaznih puteva ako ti elementi predstavljaju opasnost za nastajanje ili brzo širenje požara;
  - građevine i prostori Fakulteta moraju biti osposobljeni uređajima, opremom i sredstvima za gašenje požara (hidrantski vodovi, stabilni ili pokretni uređaji za gašenje požara i druga oprema);
  - dimnjaci, dimnovodni objekti i ložišta (kotlovnice, peć na tekuće i čvrsto gorivo i sl.), čiste se na način propisan odlukom nadležnog organa, kojom se uređuje organizacija i rad dimnjačarske službe, rokovi čišćenja dimnjaka te obavljanje nadzora;
  - na tavanima i potkrovljima zabranjuje se držanje materijala, opreme i uređaja koji mogu uzrokovati požar;
  - u svim objektima, građevinama i prostorijama zabranjuje se držanje predmeta koji mogu uzrokovati nastajanje požara ili eksplozije;
  - vatrogasni pristupi (prilazni putovi, ulazi, izlazi, prolazi u svim građevinama i prostorima Fakulteta moraju biti slobodni za brz i siguran izlazak iz ugroženog objekta, građevine ili prostora, te operativan vatrogasni rad;
  - prostor oko hidranata (vanjskih i unutrašnjih) mora biti slobodan, a u zimsko doba vanjski hidrant mora biti očišćen od snijega, leda i slično i propisno vidno označen;
  - kvar na sistemu za dotok vode i hidrantskoj instalaciji obavezno odmah otklanja stručni radnik;
  - obavezno je vidljivo označiti mjesto na kojem se nalazi glavni zasun za otvaranje – zatvaranje vode.
  - svaki radnik je dužan svoje poslove i radne zadatke obavljati prema tehničkim i drugim uputstvima, izbjegavajući svaku improvizaciju i neprovjerene postupke koji mogu dovesti do požara i druge nezgode;
  - obavezno je svakodnevno čišćenje radnog prostora, uklanjanje raznih otpadaka i smeća izvan prostorija Fakulteta.

#### *Član 10.*

U svim objektima, građevinama i prostorima Fakulteta zabranjuje se:

- loženje peći drvima, ugljenom i slično ako nisu postavljene na vatrostalnu podlogu, a ložišta nisu osigurana podpećnjacima ili limom;
- držanje opasnih i zapaljivih tvari u blizini ložišta, peći i slično;
- korištenje improviziranih električnih osigurača i instalacija mogućih uzročnika požara, posebice u građevini ili prostoru Fakulteta označenom kao mogući požarni sektor;
- držanje zapaljivih i opasnih tvari na zabranjenim mjestima u prostorijama Fakulteta;
- pušiti ili bacati pepeo u drvene ili kartonske kutije ili posude;
- bacanje opušaka cigareta ili šibica u košare za papir te kutije ili posude od drveta ili kartona;
- upotreba zapaljivih i opasnih tvari za čišćenje u blizini otvorene vatre, te pušiti u prostorijama Fakulteta za vrijeme čišćenja zapaljivih i opasnih tvari;
- obavljanje određenog posla u objektima, građevini ili prostoru Fakulteta (lakiranje, pretakanje zapaljivih tekućina i sl.), bez prethodnog provođenja mjere zaštite od požara;
- koristiti plinske peći, bojlere i druge uređaje bez prethodne provjere ispravnosti od strane ovlaštene pravne osobe;
- pušenje, ako su na ulaznim vratima postavljeni vidljivi znakovi o zabrani: "zabranjeno pušenje".

### **Član 11.**

U radionicama, spremištima, laboratorijama, i slično, provode se posebne mjere zaštite od požara, ako zakonom i aktom nadležnog organa nije drukčije određeno.

Mjerama iz stava 1. ovog člana određuje se:

- zabrana upotrebe otvorene vatre (pušenje, zavarivanje, svjetiljke sa otvorenim plamenom, otvorena ložišta, elektroinstalacije koje nisu u sigurnosnoj izvedbi);
- električne, ventilacijske i toplinske instalacije i uređaje treba neprekidno držati u ispravnom stanju i provjeravati;
- postorije iz stava 1. ovog člana treba redovito održavati, pospremati, čistiti, provjetravati, nadzirati;
- onemogućiti ubacivanje predmeta izvana u radionice, spremišta, laboratorije i slično, koji bi mogli prouzročiti požar;
- obavezno postavljanje odgovarajućeg broja vatrogasnih aparata, a prema potrebi i drugih uređaja i opreme sukladno zakonu i propisima donesenim na temelju zakona;
- hodnici, stubišta, izlazi, prolazi i prilazi prostorima moraju biti uvijek slobodni za brz i siguran prilaz i prilazak.

### **Član 12.**

Ako se u objektu, građevini ili prostoru Fakulteta održava veći skup kojem je nazočan veći broj osoba, ustrojava se dežurstvo radi zaštite od nastanka požara i eksplozija.

Radnici zaduženi za dežurstvo moraju biti osposobljeni za rukovanje i upotrebu sredstava za zaštitu od požara, znati raspored tih sredstava u objektima, građevini i prostorima Fakulteta, potrebne telefonske brojeve za dojavu i intervencije, imati ključeve prostorija koje se zaključavaju i poznavati sve sporedne i nužne izlaze iz objekata i prostora Fakulteta.

## **IV ORGANIZOVANJE I NAČIN UPRAVLJANJA I UNUTRAŠNJE KONTROLE**

### **Član 13.**

Radi provedbe mjera zaštite od požara na Fakultetu se organizuje unutrašnji nadzor.

Unutrašnji nadzor nad provođenjem mjera obavlja radnik zadužen i odgovoran za provođenjem mjera od požara na način i u rokovima propisanim zakonom i propisima donesenim na temelju zakona i ovim Pravilnikom.

### **Član 14.**

Nadzor nad ispravošću električnih, goromobranskih, i plinskih instalacija na zahtjev Fakulteta obavlja ovlašteno pravno lice koje je registrovano za djelatnost zaštite od požara, odnosno druga ovlaštena pravna osoba u skladu sa zakonom i propisima donesenim na osnovu zakona.

O ispravnosti instalacija iz stavke 1. ovog člana Fakultet mora posjedovati dokumentaciju ovlaštene firme, odnosno druge pravne osobe u skladu sa zakonom i propisima donesenim na osnovu zakona.

Ispitivanje ispravnosti sistema za gašenje ili dojavu požara vrši se najmanje dva puta godišnje.

O ispitivanju ispravnosti sistema mora postojati dokumentacija sa datumom pregleda i nedvosmislenom konstatacijom o ispravnosti.

### **Član 15.**

Nadzor nad radom uređaja centralnog grijanja (instalacije i kotlovnice) obavlja ovlašteni uposlenik Fakulteta svakodnevno tokom rada uređaja, te periodično detaljan pregled kompletnog sistema centralnog grijanja.

Periodični detaljan pregled kompletnog sistema centralnog grijanja mora se obaviti najmanje jednom u toku godine, prije početka grijne sezone i puštanja u rad Sistema centralnog grijanja.

### **Član 16.**

Radnik zadužen i odgovoran za provođenje mjera zaštite ima sljedeća ovlaštenja i dužnosti:

- upoznati svakog radnika prilikom stupanja na rad ili rasporeda s jednog mjesta na drugo s opasnostima od požara na tom radnom mjestu i na Fakultetu, te mjerama zaštite na radnom mjestu i na Fakultetu;
- organizovati obuku radnika;
- kontrolirati ispravnost svih instalacija, sistema za dojavu i gašenje požara, uređaja, opreme i sredstava namjenjenih zaštiti od požara;
- provjeravati upotrebljivost opreme i sredstava za gašenje požara, te o uočenim nepravilnostima izvijestiti dekana Fakulteta;
- voditi brigu da se odmah ili u najkraćem roku otklone uočene nepravilnosti i dovedu u ispravno stanje neispravni sistemi za dojavu i gašenje požara u skladu sa zakonom i propisima donijetim na temelju zakona;
- voditi brigu o održavanju vatrogasnih aparata, izboru novih vatrogasnih aparata, te njihovom pravilnom rasporedu;
- u slučaju nastanka požara dužan je odmah izvijestiti nadležnu policijsku upravu, odnosno najbližu vatrogasnu jedinicu, centar za obavješćavanje i uzbunjivanje ili drugo nadležno tijelo, jedinice lokalne samouprave i uprave;
- u slučaju nastanka većeg požara nalaže se spašavanje radnika, studenata i imovine, te rukovodi gašenjem požara do dolaska vatrogasne jedinice;
- u slučaju neposredne opasnosti od nastajanja i širenja požara poduzima mjere za otklanjanje tih opasnosti;
- u objektima, građevinama i prostorima Fakulteta postavlja pismena upozorenja o sigurnosnim mjerama.

### **Član 17.**

Dekan posebnom odlukom određuje radnika odgovornog za provođenje mjera zaštite od požara. Odlukom iz stava 1. ovog člana Dekan utvrđuje ovlaštenja i dužnosti radnika odgovornog za provođenje mjera zaštite od požara.

## **V UPOZNAVANJE I OBUKA RADNIKA**

### **Član 18.**

Fakultet je dužan obezbjediti da svaki radnik bude upoznat sa opasnostima od požara vezano za poslove i radne zadatke na koje je raspoređen, kao i opremom i sredstvima za gašenje požara, praktičnom upotrebom aparata za početno gašenje požara i drugih sredstava za gašenje požara, kao i sa materijalnom i drugom odgovornošću usljed nepridržavanja propisanih mjera zaštite od požara.

### **Član 19.**

Upoznavanje sa opasnostima od požara iz prethodnog člana obavezno se vrši:

- pri zasnivanju radnog odnosa, a prije raspoređivanja radnika na poslove i radne zadatke,
- kod izmjena uslova rada i uvođenja novih poslova na kojima je pojačana opasnost od izbivanja požara,
- kod prijema na praksu i pri stručnoj obuci pripravnika kada postoji potreba za tim.

### **Član 20.**

Organizovanje zaštite od požara na Fakultetu treba vršiti:

- obukom radnika po posebnom programu obuke radnika u pravnim licima, državnim organima i drugim institucijama u oblasti zaštite od požara,
- izradom odgovarajuće dokumentacije iz oblasti zaštite od požara za odjeljenja koja su zakonski obavezna istu imati,
- isticanjem na vidnom mjestu odgovarajućih uputstava, natpisa, plakata i upozorenja.



#### *Član 21.*

U skladu sa odredbama Zakona o zaštiti od požara i vatrogastvu FBiH, Fakultet je obavezan da organizuje i izvrši jednom u dvije godine obuku i provjeru znanja iz oblasti zaštite od požara svih radnika prema posebnom programu obuke.

Svi radnici su dužni pristupiti obuci i provjeri znanja, u suprotnom čine težu povredu radnih obaveza i dužnosti.

#### *Član 22.*

Upoznavanje i obuka radnika vrši se putem odgovarajućih predavanja i kroz praktičnu obuku, a prema posebnom programu obuke koji je sastavni dio ovog Pravilnika.

Obuku mogu vršiti odgovarajuće stručne organizacije ili stručni radnici.

Nakon izvršene obuke radnika vrši se provjera znanja radnika (usmeno ili pismeno, testiranjem).

#### *Član 23.*

O obuci i provjeri znanja radnika obavezno se vodi odgovarajuća evidencija od strane lica zaduženih za zaštitu od požara.

## **VI OBAVEZE I ODGOVORNOSTI VIJEĆA FAKULTETA, DEKANA, RADNIKA I STUDENATA**

#### *Član 24.*

Za ostvarivanje i unapređivanje mjera zaštite od požara u okviru dužnosti i zadaća utvrđenih zakonom i ovim Pravilnikom, odgovorni su:

- Vijeće Fakulteta,
- Dekan,
- radnik odgovoran za provođenje mjera zaštite od požara,
- radnici, svaki u okviru poslova radnog mjesta na koje je raspoređen,
- studenti.

#### *Član 25.*

Vijeće u okviru svoje nadležnosti ima ove dužnosti:

- donosi Pravilnik o zaštiti od požara i Program obuke radnika u oblasti zaštite od požara,
- zajedno sa dekanom Fakulteta organizuje poslove tako da se odredbe pozitivno-pravnih propisa i drugih općih akata iz oblasti zaštite od požara pravilno i potpuno primjenjuju,
- razmatra izvještaje (zapisnik, rješenja) tijela nadzora (inspektorata za zaštitu od požara, policijskih uprava, Ministarstva i drugih nadležnih tijela) nad provođenjem mjera zaštite od požara i nalaže da se utvrđene nepravilnosti otklone u određenom roku,
- vrši i druge poslove vezane za zaštitu od požara u skladu sa Zakonom i podzakonskim propisima.

#### *Član 26.*

Dekan Fakulteta u okviru svoje nadležnosti ima sljedeće dužnosti:

- osigurava uslove za primjenu odredbi Pravilnika o zaštiti od požara,
- organizuje i provodi mjere zaštite od požara u skladu sa zakonom i propisima donesenim na osnovu zakona,
- određuje radnika odgovornog za provođenje mjera zaštite od požara,
- preko radnika odgovornih za primjenu mjere zaštite od požara ostvaruje nadzor nad provođenjem mjera zaštite od požara,
- pokreće disciplinski postupak zbog povrede radne obaveze protiv radnika koji ne provodi propisane mjere zaštite ili se ne pridržava propisanih odnosno naredenih mjera zaštite od požara,
- na prijedlog radnika odgovornog za provođenje mjera zaštite od požara, daje saglasnost za pokretanje postupka za nabavku potrebnog broja aparata i uređaja za gašenje požara,
- odgovara za održavanje u ispravnom stanju sistema za gašenje požara, odnosno vatrogasne opreme i uređaja za gašenje požara, te za održavanje u ispravnom stanju svih instalacija i postrojenja,

- osigurava otklanjanje nepravilnosti koje prilikom nadzora utvrdi nadležno tijelo,
- vrši i druge poslove u vezi zaštite od požara u skladu sa zakonom i propisima donesenim na temelju zakona.

#### *Član 27.*

Radnik odgovoran za provođenje mjera zaštite od požara, u okviru svoje nadležnosti ima sljedeće dužnosti:

- predlaže donošenje ili izmjenu dopunu Pravilnika o zaštiti od požara i prati njegovo ostvarivanje, predlaže nabavku potrebnih sredstava za provođenje mjera zaštite od požara,
- zajedno sa Dekanom organizuje poslove na Fakultetu tako da se odredbe pozitivno-pravnih propisa i drugih općih akata iz oblasti zaštite od požara pravilno i potpuno primjenjuju;
- razmatra izvještaje (zapisnik, rješenje) tijela nadzora (inspektora za zaštitu od požara, policijskih uprava, i Ministarstva u sjedištu, policijskih uprava i drugih nadležnih tijela, poduzeća i radnji) nad provođenjem mjera zaštite od požara i utvrđuje mjere da se utvrđene nepravilnosti otklone u naloženom roku;
- dostavlja izvještaje Vijeću Fakulteta i dekanu o svim nedostacima i nepravilnostima u vezi sa zaštitom od požara;
- brine se o ispravnosti električne, toplovodne, gromobranske, dimovne i druge instalacije;
- drži u pripravnosti u ispravnom stanju uređaje, alat i opremu za gašenje požara na mjestima koja su lako dostupna i pristupačna;
- brine se o redovnoj kontroli aparata za početno gašenje požara (svakih šest mjeseci);
- brine se o vršenju obuke radnika, kao i provjere znanja radnika iz oblasti zaštite od požara;
- obezbjeđenje prohodnosti svih požarnih prilaza i prolaza;
- redovno dostavlja izvještaje o stanju zaštite od požara Dekanu;
- vodi svu potrebnu evidenciju iz oblasti zaštite od požara;
- u slučaju nastanka požara organizuje akciju gašenja početnog požara i rukovodi njome, a ako požar ne može ugasiti poziva vatrogasnu jedinicu, a do njihovog dolaska spriječava širenje požara;
- vrši i druge poslove u vezi sa zaštitom od požara, u skladu sa zakonom i propisima donesenim na osnovu zakona.

#### *Član 28.*

Radnici Fakulteta u pogledu zaštite od požara imaju sljedeće dužnosti:

- pridržavati se svih propisanih mjera zaštite od požara utvrđenih Zakonom i drugim propisima, kao i uputstvima i upozorenjima dekana i radnika odgovornog za provođenje mjera zaštite od požara,
- upoznati se sa opasnostima od požara na radnom mjestu i na Fakultetu, odnosno sa mjerama zaštite od požara na radnom mjestu i na Fakultetu;
- upoznati se sa opremom i sredstvima za gašenje požara;
- upoznati se sa odgovornošću zbog nepridržavanja propisanih ili naređenih mjera zaštite od požara;
- prisustvovati usmenom i praktičnom upoznavanju (obuci) koja se organizira za radnike ustanove radi upoznavanja s opasnostima od požara, mjerama zaštite te upotrebe vatrogasne opreme, uređaja i sredstava za gašenje požara;
- tokom rada, a naročito nakon završetka radnog vremena otkloniti sve moguće uzročnike požara (ugasiti vatru, isključiti mašine i sl.);
- održavati i u ispravnom stanju koristiti sigurnosne uređaje i lična zaštitna sredstva;
- ne bacati opuške cigareta ili šibice u košare za papair, drvene ili kartonske kutije,
- obratiti pažnju na miris nagorjelih instalacija kod električnih strojeva i drugih uređaja;
- o kvarovima i drugim nedostacima odmah izvijestiti radnika zaduženog i odgovornog za provođenje mjera zaštite od požara;
- da učestvuje u spasavanju i pružanju prve pomoći u slučaju nesreće na radu, mjestu izazvane požarom, kao i drugim poslovima spasavanja materijalnih dobara, bez obzira na propisano radno vrijeme i kvalifikaciju;

- predlagati Dekanu poduzimanje određenih mjera i radnji namjenjenih otklanjanju mogućih uzroka nastajanja požara;
- da obavlja i ostale poslove u vezi sa zaštitom od požara koje mu postavi dekan i radnik odgovoran za provođenje mjera zaštite od požara.

## VII DUŽNOSTI RADNIKA U SLUČAJU NASTANKA POŽARA

### *Član 29.*

Svaki radnik Fakulteta u skladu sa odredbama zakona i propisima donesenim na osnovu Zakona i ovog Pravilnika u slučaju nastanka požara ili neposredne opasnosti od nastanka požara, dužan je:

- odmah otkloniti opasnost od nastanka požara,
- ugасiti požar ako to može učiniti bez opasnosti po sebe ili druge radnike.

Ako radnik ne može sam ugасiti požar, dužan je odmah izvјestiti nadležnog rukovodioca ili radnika zaduženog za provođenje mjera zaštite od požara, odnosno u slučaju njihove odsutnosti najbližu vatrogasnu јединicu, policijsku upravu, stanicu, ispostavu ili centar za obavјestavanje i uzbunjivanje, odnosno drugo tijelo lokalne samouprave ili uprave;

- radnici koji su primјetili požar ili su pozvani u pomoć radi nastanka požara, obavezni su odmah svim raspoloživim vatrogasnim aparatima ili drugom odgovarajućom opremom, uređajima i sredstvima ugасiti nastali požar,
- broj radnika na mjestu požara odnosno požarnom sektoru ovisi o procjeni osobe koja rukovodi gašenjem požara i trenutnoj požarnoj situaciji,
- pomagati vatrogasnoj јединici u gašenju požara,
- dati potrebne podatke o predmetima ili osobama koji mogu poslužiti za utvrđivanje uzroka požara.

### *Član 30.*

Radnik Fakulteta odgovoran je za provođenje mjera zaštite od požara utvrđenih ovim Pravilnikom. Radnik koji svojim krivnjom ne provede propisane mjere zaštite, ne pridržava se propisanih mjera zaštite od požara te dužnosti u slučaju nastanka požara, čini težu povredu radne obaveze. Odgovornost iz stavka 2. ovog člana na isključuje krivičnu i materijalnu odgovornost.

### *Član 31.*

Svaki radnik koji primјeti da postoji neposredna opasnost od izbijanja požara ili primјeti požar, obavezan je da opasnost otkloni, odnosno da požar ugasi, ukoliko to može da učini bez opasnosti za ličnu bezbjednost ili bezbjednost drugih radnika.

### *Član 32.*

Ukoliko ne može da izvrši obavezu iz prethodnog člana, obavezan je da obavijesti vatrogasnu јединicu i odgovarajući općinski organ.

### *Član 33.*

Neposrednim gašenjem požara do dolaska vatrogasne јединice rukovodi radnik odgovoran za provođenje mjera zaštite od požara.

U slučaju iz stavka 1. ovog člana, radnik odgovoran za provođenje mjera zaštite od požara na osnovu procjene požarne situacije:

- organizira dopremu vatrogasnih aparata, druge opreme i sredstava za gašenje požara na mjesto gašenja, te organizuje raspored radnika i njihovo sudjelovanje u gašenju požara,
- nalaže se da se odmah započne s gašenjem požara,
- nalaže isključenje električne struje i plina,
- nalaže upotrebu osobnih zaštitnih sredstava,
- nalaže uklanjanje zapaljivih tvari iz požarnog sektora,
- poduzima mjere za sprečavanje širenja požara,
- poduzima mjere za sprečavanje nastanka panike,
- nalaže i organizira udaljavanje studenata i radnika koji nemaju zadatak u gašenju požara,
- nalaže uklanjanje imovine iz objekata Fakulteta,

- poduzima potrebne mjere kako bi se sačuvali tragovi i predmeti koji mogu poslužiti za utvrđivanje uzroka nastanka požara.

#### **Član 34.**

Fakultet je dužan nakon požara upotrebljenu opremu, uređaje i druga sredstva dovesti u ispravno stanje.

### **VIII ODGOVORNOSTI RADNIKA ZBOG NEPRIDRŽAVANJA PROPISANIH MJERA ZAŠTITE OD POŽARA**

#### **Član 35.**

Nepoštivanje odredbi i mjera važećih zakonskih propisa o zaštiti od požara, kao i odredbi ovog Pravilnika, naloga nadležnih organa i dekana Fakulteta, predstavlja težu povredu radnih obaveza. Svaki radnik koji primjeti da je učinjena povreda radne discipline zbog nepridržavanja propisanih mjera zaštite od požara dužan je da podnese prijavu nadležnom organu za pokretanje disciplinskog postupka zbog povrede radne discipline.

#### **Član 36.**

Kao teža povreda radne obaveze iz oblasti zaštite od požara smatra se, naročito:

- izazivanje požara, namjerno ili iz nehata,
- upotreba otvorene vatre ili pušenje na zabranjenim mjestima (u svim prostorijama Fakulteta),
- zloupotreba ili nenamjenska upotreba opreme za gašenje požara, kao i njihovo namjerno oštećenje,
- izbjegavanje ili odbijanje učešća u akcijama gašenja požara i spašavanja lica i imovine ugrožene požarom,
- neprijavlivanje požara ili nepoduzimanje mjera za gašenje požara i spašavanja lica i imovine ugrožene požarom,
- ometanje akcije gašenja požara i spašavanja radnika i imovine,
- ostavljanje neočišćenog radnog mjesta po isteku radnog vremena, što može imati teže posljedice za nastanak i širenje požara,
- neovlašteno blokiranje rada sigurnosnih i alarmnih uređaja,
- onemogućavanje nesmetanog pristupa opremi za gašenje požara, vanjskim i unutrašnjim požarnim i komunikacionim putevima, te prilazima do objekata,
- neobavljanje periodičnih pregleda ispravnosti i funkcionalnosti opreme, uređaja i instalacija koji su u funkciji zaštite od požara,
- nevršenje propisane kontrole sprovođenja propisanih mjera zaštite od požara,
- neobezbjedenje objekata sa aparatima za početno gašenje požara i drugom opremom za gašenje požara,
- nepristupanje obuci i provjeri znanja iz oblasti zaštite od požara.

#### **Član 37.**

Svaki radnik koji namjerno ili iz krajnje nepažnje prouzrokuje požar dužan je da nadoknadi štetu, a u skladu sa važećim propisima.

### **IX UREĐAJI I OPREMA ZA GAŠENJE POŽARA**

#### **Član 38.**

U svim građevinama i prostorima Fakulteta postavlja se vatrogasna oprema, uređaji i sredstva za gašenje požara.

Vatrogasnu opremu, uređaje i sredstva za gašenje požara iz stavka 1. ovog člana čine: vatrogasni aparati i sistemi za dojavu i gašenje požara, ukoliko posebnim propisom nije drugačije utvrđeno.

#### **Član 39.**

Broj i vrstu sredstava i opreme za gašenje požara propisuje preduzeće koje je radilo projektnu dokumentaciju, odnosno za to ovlaštena institucija ili Fakultet.

#### **Član 40.**

Evidenciju sprava i opreme za gašenje požara vodi radnik odgovoran za provođenje mjera zaštite od požara.

#### **Član 41.**

Vatrogasni aparati postavljaju se na sljedeća mjesta na Fakultetu:

- lako dostupna mjesta,
- u prolazu ili hodniku,
- u neposrednoj blizi elektro ormara,
- laboratorijima,
- biblioteci,
- kotlovnici.

Jedinični vatrogasni aparati su uglavnom tipa: S 9kg, S 6kg, i CO<sub>2</sub> 5kg.

#### **Član 42.**

Oko svih uređaja i opreme za gašenje požara moraju se uvijek osigurati prilazni putevi i slobodan prostor, a u zimskom periodu hidranti moraju biti obezbijeđeni od smrzavanja vode u njima. Zabranjeno je opremu i sredstva za gašenje požara koristiti u nenamjenske svrhe, u suprotnom čini se povreda radnih obaveza i dužnosti.

#### **Član 43.**

U građevinama i prostorijama Fakulteta moraju se postaviti vatrogasni aparati i u slučaju kad imaju ugrađenu stabilnu instalaciju za gašenje požara i hidrantsku mrežu.

#### **Član 44.**

Hidrantska mreža mora biti projektirana i tako izvedena da prilikom gašenja požara mlaz vode može doprijeti do svakog objekta, građevine i prostora Fakulteta.

Mreža iz stavka 1. ovog člana mora osigurati odgovarajući pritisak i protok vode dovoljan za djelotvorno gašenje požara.

Suha hidrantska mreža mora imati odgovarajuću nepropusnost i prohodnost cjevovoda koja će osigurati brzo i djelotvorno gašenje.

#### **Član 45.**

Pregled i ispitivanje ispravnosti vatrogasnih aparata i hidrantske mreže obavlja se na sljedeće načine:

- svakodnevno se vrši vizualni pregled ispravnosti vatrogasnih aparata i hidrantske mreže,
- dva puta godišnje (svakih šest mjeseci) obavlja se periodični pregled vatrogasnih aparata i hidrantske mreže,
- kontrolno ispitivanje vatrogasnih aparata i hidrantske mreže obavlja ovlašteno pravno lice koje je registrovano za djelatnost zaštite od požara ili drugo ovlašteno pravno lice,
- ovlaštena pravno lice koje je registrovano za djelatnost zaštite od požara obavezno je o izvršenom periodičnom pregledu voditi evidenciju, a o kontrolnom pregledu načiniti izvještaj, te isti dostaviti Fakultetu u roku od 8 dana od dana izvršenog periodičnog pregleda, odnosno kontrolnog ispitivanja.

#### **Član 46.**

Nabavka sredstva za provedbu mjere zaštite od požara planiraju se u godišnjem Planu javnih nabavki Fakulteta, a novčana sredstva se planiraju godišnjem planu ginansijskog poslovanja, u skladu sa godišnjim planom i programom rada.

#### **Član 47.**

Održavanje sredstava i opreme za gašenje požara obavlja se prema uputama proizvođača, te odredbi Zakona o zaštiti od požara i tehničkih propisa.

#### **Član 48.**

U slučaju izmjene procesa rada ili namjene objekta, potrebno je propisati nova sredstva za gašenje požara, u skladu sa izmjenama procesa rada i namjene objekta, uz primjenu odgovarajućih odredbi pozitivnih zakonskih propisa iz oblasti zaštite od požara.

#### **Član 49.**

Nadzor nad provedbom mjera zaštite od požara vrše inspektori za zaštitu od požara. Prilikom vršenja nadzora Fakultet je obavezan omogućiti inspektorima za zaštitu od požara pregled svih objekata, građevina i prostora, te preduzimanje drugih radnji neophodnih za utvrđivanje primjene propisanih mjera zaštite od požara.

#### **Član 50.**

Radnik odgovoran za provođenje mjera zaštite od požara dužao je saradivati sa svim ovlaštenim preduzećima i drugim pravnim licima iz oblasti zaštite od požara, a naročito sa:

- nadležnim inspekcijama i drugim organima opštine, kantona, federacije, države,
- vatrogasnim jedinicama na teritoriji Kantona, odnosno opštine,
- stručnim organizacijama koje se bave zaštitom od požara.

Saradnja sa ovlaštenim organizacijama i pravnim licima ostvarivat će se kroz lične kontakte i konsultacije, prisustvovanje stručnim seminarima, savjetovanjima i izložbama, traženje stručnih savjeta i objašnjenja, planiranje izvođenja praktičnih i vatrogasnih vježbi u krugu Fakulteta, obavljanje stručnih pregleda objekata i tehničke dokumentacije, izradu plana, programa i drugih projekata zaštite od požara itd.

### **X PRIJELAZNE I ZAVRŠNE ODREDBE**

#### **Član 51.**

Ukoliko ovim Pravilnikom nisu regulisana neka pitanja iz oblasti zaštite od požara, primjenjivat će se neposredno odredbe Zakona o zaštiti od požara i drugih propisa iz oblasti zaštite od požara.

#### **Član 52.**


Za tumačenje odredbi ovog Pravilnika nadležno je Vijeće Fakulteta.

#### **Član 53.**

Ovaj Pravilnik stupa na snagu danom donošenja i objavit će se na web stranici Fakulteta.

Univerzitet u Sarajevu – Građevinski fakultet  
dekan

prof. dr. Samir Dolarević, dipl.ing.građ.



Na osnovu odredbi Zakona o zaštiti od požara i vatrogastvu ("Sl.novine FBiH", br. 64/09), člana 69 Zakona o visokom obrazovanju („Sl.novine Kantona Sarajevo“, br.:36/22) i člana 111 Statuta Univerziteta u Sarajevu (broj: 01-14-35-1/23 od 26.07.2023.godine), Vijeće Univerziteta u Sarajevu – Građevinski fakultet je na V redovnoj sjednici održanoj 21.03.2024. godine, usvojilo

## **Program obuke radnika Univerziteta u Sarajevu – Građevinski fakultet u oblasti zaštite od požara**

### **I Osnovne odredbe**

- (1) Ovim programom propisuje se sadržaj obuke u oblasti zaštite od požara, nosioci i izvođači obuke, način izvođenja obuke i testiranje radnika Univerziteta u Sarajevu – Građevinski fakultet (u daljem tekstu Fakultet) koji se nalaze u stalnom radnom odnosu.
- (2) Zaposlenici Fakulteta iz tačke (1) ovog programa, prolaze obuku za provođenje preventivnih mjera zaštite od požara u objektima, građevinama i prostorima koje koristi Fakultet, za gašenje početnog požara i spašavanje ljudi i materijalnih dobara ugroženih požarom u tim objektima, građevinama i prostorima, upotrebom opreme, uređaja i drugih sredstava za gašenje početnog požara, u svrhu osposobljavanja za zaštitu i spašavanje ljudi i materijalnih dobara ugroženih požarom.
- (3) Obuka radnika Fakulteta provodi se najmanje jednom u dvije godine, prema ovom programu.
- (4) Obavezi obuke, u smislu ovog programa ne podliježu:
  - lica koja se profesionalno bave poslovima zaštite od požara,
  - lica osposobljena za dobrovoljne vatrogasce,
  - zaposlenici stariji od 60 godina (muškarci), odnosno 55 godina (žene).

### **II Sadržaj i nosioci obuke**

- (5) Plan obuke, sastoji se od teoretskog i praktičnog dijela i traje najmanje četiri školska sata, od čega dva sata teoretske i dva sata praktične obuke.
- (6) Obuka se provodi u grupama od maksimalno 30 zaposlenika.
- (7) Teoretski dio obuke, obuhvata slijedeće tematske cjeline:
  - a) Prava i obaveze radnika iz oblasti zaštite od požara u instituciji, u skladu sa zakonskim i podzakonskim propisima:
    - zakonske odredbe,
    - opšti akt (pravilnik zaštite od požara),
    - plan zaštite od požara.
  - b) Osnovni pojmovi o gorenju i gašenju požara:
    - definicija gorenja, požara i eksplozija,
    - uslovi za nastanak požara,
    - mehanizam gorenja zapaljivih materija, – vrste gorenja (potpuno i nepotpuno gorenje),
    - produkti gorenja,
    - posebne opasnosti od požara.
  - c) Podjela zapaljivih materija u klase požara (A,B,C,D,E),
  - d) Sredstva za gašenje požara:
    - izbor sredstava za gašenje požara prema klasi požara (voda, pjena, prah, CO<sub>2</sub> ),

- priručna i druga sredstva za gašenje).
- e) Požarne opasnosti u građevinama i mjere zaštite od požara:
- uzroci nastanka požara,
  - uslovi za širenje požara,
  - mjere zaštite od požara.
- f) Uređaji i oprema za gašenje požara u građevinama:
- prenosni i prevozni aparati za gašenje početnog požara;
  - hidranti i oprema za gašenje vodom,
  - sistemi aktivne zaštite od požara.
- g) Postupci nakon dojave požara
- radnje koje se poduzimaju nakon uočavanja početnog požara ili dojave požara,
  - radnje koje se poduzimaju u slučaju požara većeg od početnog,
  - evakuacija ljudi i materijalnih dobara ugroženih požarom.
- (8) Izvođač obuke dužan je u okviru tematskih cjelina iz tačke ovog programa, detaljnije obraditi raspoloživu opremu, uređaje i sredstva za gašenje požara u objektima i prostorima u kojima radnici Fakulteta rade, kao i konkretne požarne opasnosti i mjere zaštite od požara u toj sredini.
- (9) U okviru teoretskog dijela, planom obuke može se predvidjeti i prikazivanje obrazovnog filma iz oblasti zaštite od požara.
- (10) Praktični dio obuke, sadrži:
- a) Pokaznu vježbu, koja obuhvata način aktiviranja prenosnih aparata za gašenje početnog požara i hidranata, te gašenje požara "klase B" u vanjskom prostoru, upotrebom sredstava i opreme ovog programa, koja se izvodi od strane stručnih lica ,
  - b) Praktičnu vježbu aktiviranja prenosnih aparata za gašenje početnog požara i hidranata od strane radnika, pod nadzorom nosilaca izvođenja obuke.
- (11) Nosilac izvođenja obuke je Fakultet.
- (12) Provođenje obuke se povjerava
- pravnom licu koje je registrovano za djelatnost zaštite od požara i koje ima ovlaštenje nadležnog organa da ispunjava uslove za izvođenje obuke,
  - dobrovoljnom vatrogasnom društvu ukoliko se statutom dobrovoljnog vatrogasnog društva utvrde poslovi osposobljavanja iz člana 81. stav 2. Zakona i ako ima ovlaštenje da ispunjava uslove za izvođenje obuke propisane članom 128. stav 4. Zakona. u ("Službene novine Federacije BiH", broj: 64/09 - u daljem tekstu: Zakon)
- (13) Nosilac izvođenja obuke i izvođač obuke, dužni su osigurati:
- odgovarajuću prostoriju u kojoj će se izvoditi teoretski dio obuke (učionica ili drugi pogodan prostor u kojem svaki učesnik ima stolicu i sto za pisanje), odnosno vanjski prostor za izvođenje praktičnog dijela obuke,
  - prenosne aparate za gašenje početnog požara (tipa "S" i tipa "CO2 " ),
  - hidrantsku opremu (crijevo, mlaznica i dr.),
  - cilindričnu metalnu posudu promjera 1 m i minimalne visine 15 cm,
  - ostala materijalno-tehnička sredstva potrebna za izvođenje obuke (tečno gorivo, uređaj za projekciju obrazovnog filma iz oblasti zaštite od požara i drugo.
- (14) Nosilac izvođenja obuke, obavezan je voditi evidenciju o radnicima koji su prošli obuku na Fakultetu.
- (15) Troškove organiziranja i provođenja obuke snosi Fakultet.



- (16) Evidencija sadrži sljedeće podatke:
- ime, očevo ime i prezime radnika,
  - dan, mjesec, godina i mjesto rođenja – JMBG,
  - naziv pravnog lica koje upućuje radnika na osposobljavanje,
  - broj uvjerenja i datum osposobljavanja.

### **III Izvođenje obuke**

- (17) Izvođenje obuke prema planu obuke, realizuje se angažovanjem najmanje dva stručna lica, od kojih jedno provodi teoretski, a drugo praktični dio obuke.
- (18) Stručno lice, koje provodi teoretski dio obuke i nadzor nad izvođenjem praktičnog dijela obuke, mora imati završen VII stepen stručne spreme iz oblasti zaštite od požara, sigurnosti ili odgovarajućih prirodnih i tehničkih struka i najmanje tri godine radnog iskustva u obavljanju djelatnosti zaštite od požara.
- (19) Stručno lice koje provodi praktični dio obuke, mora imati najmanje srednju stručnu spremu tehničkog smjera i položen ispit za protivpožarnu zaštitu ili ispit za lica koja neposredno obavljaju poslove ispitivanja, servisiranja i održavanja aparata.
- (20) Fakultet, za provođenje praktičnog dijela obuke, može angažovati i drugo stručno lice koje ispunjava uslove iz tačke (22) ovog programa.
- (21) Za provođenje obuke, prema ovom programu, odgovoran je dekan Fakulteta.

### **IV Testiranje radnika u oblasti zaštite od požara**

- (22) Nakon provedene obuke prema planu obuke, organizira se pismeno testiranje.
- (23) Test provjere znanja radnika u oblasti zaštite od požara, sadrži najmanje 25 pitanja koja pripremaju izvođači obuke, u skladu sa ovim programom.
- (24) Pitanja se postavljaju na jezicima koji su u službenoj upotrebi u Federaciji Bosne i Hercegovine.
- (25) Za svako pitanje u testu ponuđena su dva do četiri opcijnska odgovora.
- (26) Prilikom rješavanja testa, radnik odgovara na svako pojedinačno pitanje, označavanjem samo jednog od ponuđenih opcijnskih odgovora.
- (27) Vrijeme za rješavanje testa, iznosi najduže 45 minuta.
- (28) Radnik je položio test i ocjenjuje se ocjenom "zadovoljava", ako tačno odgovori na najmanje dvije trećine postavljenih pitanja.
- (29) Radnik koji nije tačno odgovorio na najmanje dvije trećine postavljenih pitanja, ocjenjuje se ocjenom "ne zadovoljava" i dužan je pristupiti usmenoj provjeri znanja.
- (30) Za radnike koji ne pohađaju obuku i ne zadovolje na usmenoj provjeri znanja, Fakultet je dužan u roku od tri mjeseca organizirati ponovnu, odnosno dopunsku obuku i provjeru znanja. Ako radnik i u ponovnoj obuci i testiranju ne položi testroku od 30 dana, osigurati će mu se ponovno izvođenje obuke i provjera znanja, ali na teret radnika.
- (31) Izvođač obuke, dužan je sačiniti zapisnik o provedenoj obuci radnika Fakulteta i dostaviti ga nosiocu obuke.
- (32) Zapisnik sadrži:
- podatke o izvođačima obuke (ime i prezime, stručna sprema i zvanje),
  - tematske cjeline obrađene kroz obuku,
  - broj prisutnih radnika Fakulteta na obuci,
  - rezultati testiranja,
  - zaključak o uspješnosti provedene obuke,
  - potpisi izvođača obuke.

- (33) U prilogu zapisnika obavezno se prilaže spisak radnika Fakulteta koji su ocijenjeni ocjenom "zadovoljava", radnika Fakulteta koji su ocijenjeni ocjenom "ne zadovoljava", odnosno radnika Fakulteta koji nisu pristupili usmenoj provjeri znanja.
- (34) Ukoliko radnik Fakulteta odbije prisustvo na obuci i testiranju, čini povredu radne obaveze i podliježe disciplinskoj odgovornosti za težu povredu radne obaveze.

#### V Završne odredbe

- (35) Ovaj Program obuke radnika Univerziteta u Sarajevu – Građevinski fakultet u oblasti zaštite od požara je sastavni dio Pravilnika o zaštiti od požara Univerziteta u Sarajevu – Građevinski fakultet.

Univerzitet u Sarajevu – Građevinski fakultet  
dekan  
prof. dr. Samir Dolarević, dipl.ing.grad.

